

Hampir 100 Hadir Latihan dan Pembangunan Kakitangan FPSK

Terakhir dikemaskini: Jumaat, 13 April 2018 18:18 | [Cetak](#) | Jumlah paparan: 588

[Kongsi 22](#)[Syorkan 22](#)[Kongsi](#)[Tweet](#)[Share](#)

JUMAAT, 13 APRIL - Kira-kira 100 warga Universiti Malaysia Sabah (UMS) mengikuti Latihan dan Pembangunan Kakitangan siri 2/2018 yang dianjurkan Fakulti Perubatan dan Sains Kesihatan (FPSK) kelmarin.

Bertempat di Auditorium FPSK, latihan tersebut mengetengahkan topik *Smart Digital Health* yang disampaikan Pengasas dan Ketua Pegawai Eksekutif BookDoc, Dato' Chevy Beh Yen San.

Dalam ceramahnya beliau menceritakan bagaimana tercetusnya idea penubuhan BookDoc, sebuah aplikasi sosial yang kini boleh dimuat turun di Google Playstore dan Apple Store di Singapura, Hong Kong, Malaysia, Thailand dan Indonesia.

“Aplikasi ini mempunyai konsep yang hampir sama dengan beberapa aplikasi lain, sebagai contoh Agoda yang sering digunakan untuk mencari hotel atau penginapan merangkumi pelbagai lokasi dan kawasan di dunia.

“Namun dalam BookDoc ia lebih menjurus kepada bidang kesihatan seperti memudahkan seseorang individu mencari klinik kesihatan 24 jam yang terdekat atau mencari pakar dalam bidang tertentu di lokasi yang berhampiran dengan melihat sendiri wajah dan latar belakang mereka,” jelasnya sambil memaklumkan temujanji bersama pakar juga boleh terus dibuat melalui aplikasi berkenaan.

Terdahulu, Naib Canselor UMS, Prof. Datuk Dr. D Kamarudin D Mudin berkata, kehadiran Dato' Chevy pada program itu amat dihargai dan ia merupakan satu peluang untuk dimanfaatkan bersama seluruh kakitangan khususnya para pensyarah perubatan FPSK.

“Ia juga seiring dengan usaha untuk menyemarakkan lagi usaha universiti ke arah Revolusi Industri 4.0,” katanya.

Hadir sama pada program itu, Dekan FPSK Mohammad Saffree Jeffree.